

**FEDERACIJA BOSNE I HERCEGOVINE  
ZAVOD ZA JAVNO ZDRAVSTVO FBiH**

**Obr. br. 3-Z-PREV**

**UPUTSTVO ZA POPUNJAVANJE I DOSTAVLJANJE IZVJEŠTAJA O  
SISTEMATSKIM, PREVENTIVNIM I PERIODIČNIM ZDRAVSTVENIM  
PREGLEDIMA STANOVNIŠTVA U PRIMARNOJ ZDRAVSTVENOJ  
ZAŠTITI**

Sarajevo, 2018. godine

## Opće napomene

Zdravstvene ustanove i nosioci privatne prakse, kao i druga pravna i fizička lica koja u okviru svoje djelatnosti obavljaju poslove iz oblasti zdravstva, dužni su voditi evidencije u skladu sa Zakonom o evidencijama iz oblasti zdravstva („Službene novine FBiH“, br. 37/12), Pravilnikom o načinu i rokovima dostavljanja i obliku i formi zbirnih izvještajnih obrazaca (Službene novine Federacije BiH broj 61/18), kao i Zakonom o zdravstvenoj zaštiti („Službene novine FBiH“, br. 46/10 i 75/13).

Zdravstvene ustanove i nosioci privatne prakse su dužni voditi evidencije u pisanoj i elektronskoj formi i u propisanim rokovima dostavljati individualne, zbirne i periodične izvještaje nadležnom zavodu za javno zdravstvo, kao i drugim institucijama na način propisan Programom i Planom provođenja statističkih istraživanja od interesa za Federaciju Bosne i Hercegovine.

## Dokumentacija

Za vođenje propisanih evidencija koje služe kao izvor podataka za sastavljanje zbirnih periodičnih i individualnih izvještaja utvrđenih Programom i Planom statističkih istraživanja iz oblasti zdravstva, služba za porodičnu medicinu u skladu sa **Pravilnikom o obliku i sadržaju osnovne medicinske dokumentacije** (Službene novine Federacije BiH broj 61/18) ima sljedeću medicinsku dokumentaciju (sredstva evidencije):

- *Zdravstveni karton pacijenata u porodičnoj medicini*
- Protokol bolesnika

Upisivanje podataka u sredstva evidencije smatra se prema odredbi zakona o evidencijama u oblasti zdravstva sastavnim dijelom stručnog medicinskog rada pri čemu se obavezno primjenjuju jedinstveni metodološki principi i statistički standardi (definicije, klasifikacije, nomenklature).

## Upustvo za popunjavanje i dostavljanje izvještaja

U lijevom gornjem uglu naslovne strane izvještajanog obrasca upisati naziv kantona, općinu i puni naziv zdravstvene ustanove, te izvještajni period za koji se izvještaj podnosi.

### ***Tabela 1. Izvještaj o sistematskim, preventivnim i periodičnim pregledima***

Ukupan broj odraslih osoba **od 18 i više godina** obuhvaćenih preventivnim mjerama i postupcima prema preventivnim programima u kalendarskoj godini.

Ukupan broj muških/ženskih osoba kod kojih je na prvom pregledu utvrđen **povišen krvni pritisak**, po dobnim grupama (dobne grupe 18-34, 35-44, 45-54, 55-64 i 65 i više godina)

Ukupan broj muških/ženskih osoba kod kojih je na prvom pregledu utvrđena **prekomjerna tjelesna težina i gojaznost**, po dobnim grupama (dobne grupe 18-34, 35-44, 45-54, 55-64 i 65 i više godina)

Ukupan broj muških/ženskih osoba kod kojih je na prvom pregledu utvrđena **hiperglikemija**, po dobnim grupama (dobne grupe 18-34, 35-44, 45-54, 55-64 i 65 i više godina)

Ukupan broj pacijenata sa **dijabetes melitusom tipa 2**, po dobnim grupama i spolu (dobne grupe 18-34, 35-44, 45-54, 55-64 i 65 i više godina).

Ukupan broj osoba kod kojih je na prvom pregledu utvrđena **hiperholesterolemija**, po dobnim grupama i spolu (dobne grupe 18-34, 35-44, 45-54, 55-64 i 65 i više godina)

Ukupan broj osoba koji su na prvom pregledu izjavili da imaju **dnevnu** konzumaciju duhana i duhanskih proizvoda, po dobnim grupama i spolu (dobne grupe 18-34, 35-44, 45-54, 55-64 i 65 i više godina)

Ukupan broj osoba koji su na prvom pregledu izjavili da <b>redovno sedmično</b> konzumiraju alkohol po dobnim grupama i spolu (dobne grupe 18-34, 35-44, 45-54, 55-64 i 65 i više godina)
Ukupan broj osoba koji su na prvom pregledu izjavili da su <b>fizički aktivni</b> , po dobnim grupama i spolu (dobne grupe 18-34, 35-44, 45-54, 55-64 i 65 i više godina)
Ukupan broj ženskih osoba koje su radile <b>papa test</b> u okviru preventivnih programa po dobnim grupama.
– Od toga broj ženskih osoba kod kojih je <b>utvrđen patološki nalaz</b> papa testa po dobnim grupama
Ukupan broj ženskih osoba kod kojih je <b>urađen pregled dojki</b> (inspekcija i palpacija) i kontrola samopregleda po dobnim grupama.
• Od toga broj ženskih osoba kod kojih je utvrđen patološki nalaz pregleda dojki po dobnim grupama
Ukupan broj muških osoba kod kojih je urađen <b>digitorektalni pregled</b> po dobnim grupama
• Od toga broj muških osoba kod kojih je utvrđen patološki nalaz digitorektalnim pregledom po dobnim grupama.
Ukupan broj muških/ženskih osoba kod kojih je <b>rađen laboratorijski nalaz za utvrđivanje bubrežnih bolesti/ procjena glomerularne filtracije</b> po dobnim grupama.
• <b>Od toga</b> broj muških/ženskih osoba kod kojih je utvrđen patološki nalaz. bubrežnih bolesti/ procjena glomerularne filtracije po dobnim grupama

#### ***Tabela 2. Izvještaj o skriningu na rak debelog crijeva***

Ukupan broj osoba koje <b>su radile skrining na rak debelog crijeva /50-74 godina/</b> – upisuje se ukupan broj osoba, i žena i muškaraca koji su u izvještajnom periodu radili skrining na rak debelog crijeva.
• <b>Od ukupnog broja</b> upisuje se broj žena i muškaraca koji su u izvještajnom periodu radili skrining na rak debelog crijeva razvrstano prema dobnim skupinama.

#### **Dostavljanje izvještaja**

Svaka zdravstvena ustanova popunjava Izvještaj u dva primjerka, od kojih jedan primjerak dostavlja nadležnom zavodu za javno zdravstvo, a drugi primjerak zadržava za potrebe ustanove.

Izvještaj se dostavlja sa navedenim datumom dostavljanja, potpisan od strane odgovornog lica za sastavljanje i dostavljanje izvještaja, te sa potpisom rukovodioca ustanove ovjeren pečatom.

Izvještaj se dostavlja jednom kao godišnji izvještaj.

Zavod za javno zdravstvo kantona vrši kontrolu obuhvata i kompletnosti podataka u izvještajima, sastavlja godišnji izvještaj za nivo kantona i dostavlja Zavodu za javno zdravstvo Federacije Bosne i Hercegovine. Rok za dostavljanje godišnjeg izvještaja je do **31.03. za prethodnu godinu**.